



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:02-49-1-850-18/15

Datum: 02.06.2015.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 01.06.2015.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

ODLUKU

o izboru najpovoljnijeg ponuđača

I

Najpovoljnija ponuda za usluge u predmetu nabavke "Izrada Idejnog projekta toplifikacije Općine Tešanj obnovljivim/ekološko prihvatljivim izvorima energije", u okviru projekta "Toplifikacija Pousorja-Općine Tešanj, Usora i Doboj-Jug izvorima obnovljive energije", po cijeni od 30.000,00 KM (tridesethiljada i 00/100 konvertibilnih maraka) bez uključenog PDV-a, je ponuda ponuđača "Urbis Centar" d.o.o. Banja Luka.

II

Ponuda je dostavljena u Konkurentskom zahtjevu za dostavljanje ponuda koji je objavljen na Portalu javnih nabavki dana 14.05.2015.godine pod brojem:375-7-2-40-3-14/15, kriterij za dodjelu ugovora je najniža cijena.

III

Obavezuje se izabrani ponuđači da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu sposobnost na način i u formi koja je propisana tenderskom dokumentacijom.

IV

Ponude "Dvokut" d.o.o. Sarajevo i "Forma-AGD" Zenica odbacuju se kao nepotpune ponuda iz razloga što ponuđači nisu dostavili tražene dokaze odnosno dostavili su nepotpune dokaze.

V

Za realizaciju Odluke zadužuju se Služba za finansije, privredu i inspeksijske poslove općine Tešanj.

VI

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VII

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6. Zakona o javnim nabavkama.

O b r a z l o ž e n j e

Postupak javne nabavke "Izrada Idejnog projekta toplifikacije Općine Tešanj obnovljivim/ekološko prihvatljivim izvorima energije", u okviru projekta "Toplifikacija Pousorja-Općine Tešanj, Usora i Doboj-Jug izvorima obnovljive energije" pokrenut je Odlukom o pokretanju postupka broj:02-49-1-

850-2/15 od 13.05.2015.godine. Odabran je Konkurentski zahtjev za dostavu ponuda, koji je objavljen na Portalu javnih nabavki dana 14.05.2015.godine pod brojem:375-7-2-40-3-14/15, procijenjena vrijednost javne nabavke bez PDV-a je 41.000,00 KM a kriterij za dodjelu ugovora je najniža cijena.

U ostavljenom roku za dostavu ponuda pristigle su 4 ponude i to: Ponuda "Urbis Centar" d.o.o. Banja Luka, Ponuda "Dvokut" d.o.o. Sarajevo, Ponuda "Forma-AGD" Zenica i Ponuda "Energotehnika" d.o.o. Doboj.

Komisija za javne nabavke imenovana rješenjem Općinskog Načelnika broj:02-49-1-850-10/15 od 20.05.2015.godine izvršila je dana 28.05.2015.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su dvije ponude formalno ispravne (sadržajno kompletne i ispravnog sadržaja) i da se kao takve mogu ocjenjivati u skladu sa zahtjevom za dostavu ponuda.

Komisija je izvršila rangiranje prihvatljivih ponuda prema kriteriju za izbor ponuda (najniža cijena ekonomski prihvatljive ponude) te sačinila konačnu listu ponuda, rangiranu po cijeni ponuda i utvrdila najpovoljnijeg ponuđača kako slijedi:

1. "Urbis Centar" d.o.o. Banja Luka
2. "Energotehnika" d.o.o. Doboj

Komisija je kod ocjene ponuda takođe utvrdila da 2 ponude nisu formalno ispravne, odnosno da su nepotpune i da ne sadrže dokumentaciju koja je tražena tenderskom dokumentacijom kako slijedi:

1. Kod ponude "Dvokut" d.o.o. Sarajevo ponuđač nije dostavio dokaze tražene tenderskom dokumentacijom i to: - Izjava o ispunjenosti uslova iz člana 52. stav 2. Zakona – *nije ovjerena od strane nadležnog organa* kao što je traženo tačkom 2.6. tenderske dokumentacije.

2. Kod ponude "Forma-AGD" Zenica ponuđač nije dostavio validan dokaz tražen tenderskom dokumentacijom kojim dokazuje "Uspješno iskustvo u izvođenju najmanje 2 ugovora na uslugama kao u predmetnoj nabavci, *odnosno na poslovima izrade projekata toplifikacije (paravoda, vrelovoda ili toplovoda) minimalne vrijednosti 48.000 KM u posljednje 2 godine*";

Naime ponuđač je dostavio Potvrdu Općine Usora broj:02-23-39-1/14 od 27.05.2015.godine (vrijednost ugovora je 29.250,00KM, usluge izrade idejnog projekta toplifikacije Pousorja obnovljivim izvorima energije), koja je prihvatljiva za ugovorni organ i Potvrdu Ministarstva za obrazovanje, nauku, kulturu i sport broj:10-14-18023-1/15 od 03.04.2015.godine (vrijednost ugovora 29.051,10KM) koja za ugovorni organ nije prihvatljiva jer se radi o poslovima stručnog konsultanta i stručnog nadzora na projektima održavanja i rekonstrukcije školskih objekata i kotlovnica na području Ze-Do kantona, te time nije ispoštovan kriterij dokazivanja radova na poslovima "izrade projekata toplifikacije (paravoda, vrelovoda ili toplovoda) minimalne vrijednosti 48.000 KM".

Ponude "Dvokut" d.o.o. Sarajevo i "Forma-AGD" Zenica su u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačene, kako je navedeno u tački 4. dispozitiva ove odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:08-49-1-850-17/15 od 01.06.2015.godine), da se u predmetu javne nabavke "Izrada Idejnog projekta toplifikacije Općine Tešanj obnovljivim/ekološko prihvatljivim izvorima energije", u okviru projekta "Toplifikacija Pousorja-Općine Tešanj, Usora i Doboj-Jug izvorima obnovljive energije", donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za usluge određuje ponuda prvorangiranog ponuđača prema gore navedenoj tabeli (ponuda "Urbis Centar" d.o.o. Banja Luka) odnosno kako je to navedeno u tački I ove Odluke, te da se sa istim zaključi ugovor u skladu sa ponudom navedenog ponuđača za usluge predmetne nabavke.


Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) kao najpovoljniji ponuđač izabran je "Urbis Centar" d.o.o. Banja Luka, sa cijenom od 30.000,00 KM bez uključenog PDV-a te je donesena Odluka kao u dispozitivu.

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 5 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđačima x4,
2. Predmet.

Huskić


OPĆINSKI NAČELNIK
mr.sc. Suad Huskić profesor

